



Republika e Kosovës-Republic of Kosovo  
Komuna-Municipality  
Hani i Elezit



04/2826/2024

## DREJTORIA PËR BUXHET DHE FINANCA

### RAPORTI I PUNËS DHE AKTIVITETEVE PËR MUAJIN MARS 2024

Hani i Elezit, 2024

## DREJTORIA PËR BUXHET DHE FINANCA

Drejtoria për Buxhet dhe Financa për muajin mars 2024, funksionin e vet e ka ushtruar në bazë të kompetencave dhe përgjegjësiwe ligjore mbi qeverisjen e Komunave të Republikës së Kosovës, Statutin e komunës së Hanit të Elezit, Ligjin mbi menaxhimin e financave publike dhe përgjegjësitë, Ligjin mbi financat e pushtetit lokal, Ligjin mbi vetëqeverisjen lokale, Ligjin mbi tatimin në pronën e paluajtshme, Rregulloret dhe udhëzimet administrative nga Ministria e Financave, Punës dhe Transfereve (MFPT).

Drejtoria për Buxhet dhe Financa me qëllim të realizimit sa më efikas të të gjitha kompetencave dhe përgjegjësiwe, ka funksionuar kryesisht në katër (4) sektorë:

1. Sektori për buxhet
2. Sektori për financa,
3. Sektori për të hyra dhe
4. Sektori i tatimit në pronë.

Drejtoria për Buxhet dhe Financa e menaxhuar nga drejtoresha e drejtorisë dhe me një staf prej (7) zyrtarëve, gjatë muajit mars kishte një angazhim permanent, me një përkushtim të madh në drejtim të realizimit sa më të suksesshëm të të gjitha objektivave dhe detyrave të parashikuara në planin e punës së drejtorisë. Aktiviteti i drejtorisë ka qenë i përqëndruar në realizimin e buxhetit sipas dinamikës së planifikuar dhe menaxhimin sa më efikas të buxhetit.

Buxheti i komunës së Hanit të Elezit i ndarë sipas Ligjit me Nr. 08/L-260 mbi ndarjet buxhetore të Republikës së Kosovës për vitin 2024 është në lartësi prej **3,349,278.00 Euro**.

Ky buxhet është ndarë sipas kategorive ekonomike si në vijim:

- Paga dhe shtesa.....2,075,272.00 €,
- Mallra dhe shërbime.....524,500.00 €,
- Shpenzimet komunale .....93,500.00 €,
- Subvencione dhe transfere ... 113,000.00 €,
- Shpenzime kapitale .....543,006.00 €,
- Totali i buxhetit.....3,349,278.00 €.

Punët dhe aktivitetet të cilat janë zhvilluar gjatë këtij muaji, mund t'i veçojmë këto:

### **SEKTORI PËR BUXHET DHE FINANCA**

- Përgatitja e raportit mujor të të hyrave dhe shpenzimeve të muajit shkurt 2024 dhe publikimi në ueb faqen e Komunës,
- Përgatitja e raportit të punës dhe aktiviteve të Drejtorisë Buxhet dhe Financa për muajin shkurt 2024 dhe dorëzimi i të njëjtit në Kabinetin e Kryetarit si dhe publikimi në ueb faqen e Komunës në formatin PDF dhe Word,
- Deklarimi në Thesar obligimet e pa paguara dhe ato kontraktuale të muajit shkurt,
- Barazimi me Thesar për muajin shkurt 2024,
- Përgatitja dhe publikimi i borxhit publik për muajin shkurt në ueb faqe të Komunës,
- Nga Departamenti i Buxhetit – MFPT kemi pranuar Projeksionin e Të Hyrave Vetanake për planifikimin e buxhetit për vitet 2025-2027, është plotësuar duke u bazuar në trendet vjetore të inkasimit dhe është dorëzuar në Departamentin e Buxhetit – MFPT ,
- Është bërë kërkesa për alokimin e të hyrave të muajit shkurt nëpër Programe dhe kategori buxhetore, duke u bazuar në Planifikimet Buxhetore,
- Është përgatitur Raporti i Progresit të zbatimit të rekomandimit të Auditimit të Pasqyrave Vjetore Financiare për vitin 2022, është dorëzuar në Zyrën Kombëtare të Auditimit si dhe në KPF dhe Kuvend Komunal si informacion,
- Ka vazhduar procesi i Auditimit të vitit 2023 nga Zyra Kombëtare e Auditimit,
- Llogaritja dhe realizimi i të gjitha pagesave të destinuar për pagesën e pagave dhe shtesave të Administratës Komunale, të këshilltarëve Komunal, komiteteve të ndryshme të Kuvendit, të Sektorit të Arsimit dhe Sektorit të Kujdesit Primar Shëndetësor.

## RAPORTI I EKZEKUTIMIT TË BUXHETIT PËR MUAJIN MARS 2024

Kategoritë Buxhetore	Buxheti sipas Ligjit nr. 08/L-260	Buxheti Final	Realizimi Mars 2024	% e Realizimit Mars	% Realizimit Janar-Mars
Paga dhe Shtesa	2,075,272.00	2,153,367.87	166,701.07	7.7 %	25.7 %
Mallra dhe Shërbime	524,500.00	525,307.51	30,189.58	5.7 %	18.9 %
Shpenzime Komunale	93,500.00	93,500.00	5,717.79	6.1 %	19.2 %
Subvencione dhe Transfere	113,000.00	113,000.00	6,109.00	5.4 %	5.4 %
Shpenzime Kapitale	543,006.00	926,499.04	-	-	-
<b>Totali</b>	<b>3,349,278.00</b>	<b>3,811,674.42</b>	<b>208,717.44</b>	<b>5.4 %</b>	<b>17.7 %</b>

### SEKTORI PËR TË HYRAT

Planifikimi i të hyrave vetanake për vitin 2024 është në shumë prej 274,376.00 €.

Komuna e Hanit të Elezit ka arritur të arkëtoj gjithsej për muajin mars 2024 nga të hyrat direkte 95,493.69 € dhe paraqesin 34.8 % e planit të të hyrave vetanake.

Në bazë të drejtorive për muajin mars 2024 kemi inkasuar këto të hyra:

- Drejtoria për Buxhet dhe Financa ka inkasuar të hyra në shumë prej 25,568.89 €;
- Drejtoria e Administratës së Përgjithshme ka inkasuar të hyra në shumë prej 2,574.50 €;
- Drejtoria e Zhvillimit Ekonomik dhe Turizmit ka inkasuar të hyra në shumë prej 64,770.80 €;
- Drejtoria e Shërbimeve Publike dhe Emergjencia ka inkasuar të hyra në shumë prej 75.00 €;
- Drejtoria e Urbanizmit ka inkasuar të hyra në shumë prej 310.00 €;
- Drejtoria e Arsimit ka inkasuar të hyra në shumë prej 2,074.50 €;
- Drejtoria e Shëndetësisë dhe Mirëqenies sociale ka inkasuar të hyra në shumë prej 120.00 €;

Në kuadër të këtij sektori janë kryer këto aktivitete:

- Përpunimi, harmonizimi dhe barazimi i evidencave të detajizuara të të gjitha llojet e të hyrave sipas programeve buxhetore, fondeve dhe kodeve ekonomike në Sistemin Informativ të Menaxhimit Financiar të Kosovës (SIMFK),

## SEKTORI I TATIMIT NË PRONË

Gjatë këtij muaji, ky sektor ka pasur këto aktivitete:

- Shërbime të rregullta ndaj qytetarëve,
- Ka vazhduar shpërndarja e faturave të tatimit në pronë për vitin 2024 nga Posta e Kosovës,
- Është pranuar Raporti i Inspektimit të tatimit në pronë për vitin 2023,
- Ka filluar pranimi i ankesave të tatimpaguesëve për faturat e vitit 2024,
- Është shtuar afati i ankesave të tatimit në pronë duke u bazuar në plotësim-ndryshimin e Ligjit Nr.06/L-005 për pronën e paluajtshme të tatimit në pronë. Përkatësisht lidhur me ankesën ndaj faturës së tatimit në pronë përdoren dispozitat e neneve 73, 74 të Ligjit Nr. 05/L -031, në bazë të të cilave nuk kërkohet që kërkesa/ankesa të paraqitet brenda një afati të caktuar kohor, andaj në kuptim të këtyre dispozitave ligjore, Komunitat duke filluar nga data 01 Prill duhet t'i pranojnë të gjitha ankesat/kërkesat si të afatshme dhe t'i shqyrtojnë të njëjtat sikur ankesa të rregullta dhe jo si kërkesa për korrigjim.

Drejtoresha e Drejtorisë për Buxhet dhe Financa

Lindita Ballazhi

